

Transkription von Urkunde DAN 1448c

Ort, Datierung: Danzig, 1448-09-06

Signatur: Stadtarchiv Danzig, 300, 27, 5, 22r

Inhalt: Rat der Stadt Danzig: Erhalt von Schadenersatz

Wy Borg(erme)ster vnd Rathmann(e) der Stat Danczik doen kunth vnd openbar / allen vnd itczliken
de dissen Breff zehen horen edder lesen dat de ersa(m)e / her Reynolt neddirhoff vnsir Stat
Borg(irme)ster h(e)r Johan vam deme / Wolde vnses Rades medecompan de Beschedene hans zegebade
vnse me-/deborgher vnde pauwel Coerdes jnwoner des landes hebben van den / Ersamen h(ere)n
Borg(erme)ster(e)n vnd Rathmann(e) der Stat Bremen vnde / den ere(n) hundirt vnd lxxv Rynssche
gulden entfangen touoller ge-/noge vp martin Anno et(cetera) xlviii van des ander(e)n t(er)myns wegen
/ dat desuluen van Bremen den vorge(ann)t(en) p(er)sone(n) schuldich / weren van des schaden
wegen den desuluen van Breme(n) den / vorber(ordene) vnsen Borger(e)n vnd p(er)sonen An Thom [...]
vnd Peter / jorssen Schepen jn der zee uth Schotlande segelnde gedan hebben / daruan denne eyne
vorlikinge vnd entschedinge na uthwisinge / vnd jnholdinge eynes openen vorsegelden Breues van
vnses /gnedigen h(er)ren homesters to prussen is befestent vnd co(n)formeret / Hirv(m)me so geloue
wy Borg(er)meister vnd rath(manne) der Stat danczik / vorben(omet) den ergen(ann)ten h(ere)n
Borgermeister vnd rath der Stadt / Breme(n) vnd den eren , dat se nach de eren van wegen der
vorschr(euenen) /hundert vnd lxxv Rynscher gulden wegen den vorschr(euenen) p(er)sonen / vp den
vorber(urden) Sintte mertens dach , also vornoget vnd betalet / keyne mani(n)ge edder ansprak(e) van
den vorbenomed(e)n p(er)sonen nach / der eren wegen lyden solen jntokomenden tyden Wente / wy
genochsame(n) vorsekoring(en) daruan entfangen hebben Jnor-/kunde der warheit der vorber(urden)
sak(e) is vnsir Stat Danczik / Secret torugg(e) hirupp gedruckt jm jare vnses h(ere)n m / veerhundert
vnde Achtvndveertich Am negeste(n) ffrigidage / vor Natiuitat(is) Marie